

Na osnovu člana 23. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona", broj: 10/18 – prečišćeni tekst) i člana 69. stav 3. Zakona o srednjem obrazovanju i odgoju – prečišćeni tekst ("Službene novine Tuzlanskog kantona", broj: 10/20, 11/20, 8/21, 11/21, 22/21, 5/22, 10/22, 11/22, 9/23, 12/23, 5/25 i 18/25), Ministarstvo obrazovanja i nauke, **objavljuje**

K O N K U R S / N A T J E Č A J
za upis učenika u prvi razred srednjih škola na području
Tuzlanskog kantona za školsku 2026./2027. godinu

Konkurs za upis učenika u prvi razred srednjih škola u školskoj 2026./2027. godini:

Prvi upisni rok:

- za gimnaziju od 09. juna do 11. juna 2026. godine,
- za umjetničku školu od 09. juna do 11. juna 2026. godine,
- za tehničku školu od 09. juna do 11. juna 2026. godine,
- za stručnu školu od 09. juna do 11. juna 2026. godine,

Drugi upisni rok:

- za gimnaziju od 17. juna do 19. juna 2026. godine,
- za umjetničku školu od 17. juna do 19. juna 2026. godine,
- za tehničku školu od 17. juna do 19. juna 2026. godine,
- za stručnu školu od 17. juna do 19. juna 2026. godine,

Treći upisni rok:

Učenici devetog razreda osnovne škole koji su upućeni na popravni ispit u avgustovskom roku i učenici koji se nisu upisali u prvom i drugom upisnom roku mogu se upisati u srednju školu od 22.6.2026. godine do 31.8.2026. godine. Učenici se mogu upisati u srednje škole koje poslije drugog upisnog roka nisu primile planirani broj učenika.

Kandidati koji konkurišu za upis u umjetničku školu (JU Srednja muzička škola „Čestmir Mirko Dušek“ Tuzla i Srednja škola primijenjenih umjetnosti, koja je u sastavu JU Mješovita srednja građevinsko-geodetska škola Tuzla) polažu prijemni ispit.

Prijemni ispit će se obaviti:

Prvi upisni rok:

- za umjetničku školu (Muzička i Škola primijenjenih umjetnosti) 16. juna 2026. u 9,00 sati,

Drugi upisni rok (ako se ne popuni u prvom roku):

- za umjetničku školu (Muzička i Škola primijenjenih umjetnosti) 22. juna 2026. u 9,00 sati

Za prijavu na konkurs za upis u prvi razred srednje škole kandidat je dužan dostaviti slijedeća dokumenta:

- **zahtjev za upis (poseban formular),**

- izvod iz matične knjige rođenih,
- svjedodžbu o završenom IX razredu devetogodišnje osnovne škole i list profesionalne orijentacije (original),
- uvjerenje o uspjehu u VI, VII i VIII razredu devetogodišnje osnovne škole (original),
- uvjerenje o polaganju eksterne mature učenika u osnovnoj školi (original),
- druga relevantna dokumenta u skladu sa Pravilnikom o kriterijima za upis učenika u prvi razred srednjih škola na području Tuzlanskog kantona.

Detaljnije informacije o mjestu i vremenu predaje dokumenata za prijem, te mjestu i vremenu polaganja prijemnog ispita objavljuju se na oglasnoj ploči svake škole.

Napomena:

Konkurs za upis učenika u prvi razred srednjih škola na području Tuzlanskog kantona za školsku 2026./2027. godinu i Plan upisa objavit će se i na web stranici: www.montk.gov.ba, a svaka srednja škola će objaviti svoj plan upisa na svojoj veb stranici.

Na osnovu člana 69. stav (6) Zakona o srednjem obrazovanju i odgoju – prečišćeni tekst („Službene novine Tuzlanskog kantona“, broj: 10/20, 11/20, 8/21, 11/21, 22/21, 5/22, 6/22-presuda US FBiH, 10/22, 11/22, 9/23, 12/23, 5/25 i 18/25), nakon provedene javne rasprave i uz saglasnost Vlade Tuzlanskog kantona, ministar obrazovanja i nauke Tuzlanskog kantona, **donosi**

**PLAN UPISA UČENIKA U PRVI RAZRED SREDNJIH ŠKOLA
TUZLANSKOG KANTONA ZA ŠKOLSKU 2026/2027. GODINU**

I

Plan upisa učenika u prvi razred srednjih škola Tuzlanskog kantona za školsku 2026/2027. godinu omogućava upis 5.280 učenika u 29 srednjih škola Tuzlanskog kantona, kako slijedi:

R.b.	ŠKOLA	Vrsta škole	Stručno zvanje i zanimanje	Planirano 2026/2027.	
				odj.	uč.
9.	JU Mješovita srednja škola „Musa Ćazim Ćatić“ Kladanj	gimnazija	gimnazija informacionih tehnologija	1	24
		tehnička	ekonomski tehničar EU VET II finansijsko-računovodstveni smjer	1	24
			tehničar elektroenergetike EU VET II	1	24
			mašinski tehničar – operater na CNC mašinama	1	24
		stručna	frizer EU VET II	1	24
			automehaničar	0.5	12
			zavarivač	0.5	12
UKUPNO KLADANJ				6	144

Izuzetno, ukoliko škole nakon prvog upisnog roka iskažu potrebu za promjenu stručnih zvanja i zanimanja u okviru planiranog broja odjeljenja, promjena može biti izvršena nakon dobijanja pismene saglasnosti Ministarstva obrazovanja i nauke Tuzlanskog kantona.

II

Plan upisa učenika se donosi na bazi optimalnog broja učenika u odjeljenju.

Za stručna zvanja i zanimanja za koja je Planom predviđen upis jednog odjeljenja učenika, odjeljenje se može formirati ukoliko je upisano najmanje 18 učenika istog zanimanja.

Za stručna zvanja i zanimanja za koja se prijavi više učenika koji ispunjavaju uvjete za upis, škola može izvršiti prijem učenika po redoslijedu na rang listi do maksimalnog broja učenika u odjeljenju propisanog Pedagoškim standardima i normativima za srednje obrazovanje i odgoj.

**MINISTARSTVO OBRAZOVANJA I NAUKE
TUZLANSKOG KANTONA**